

大唐開元禮



大唐開元禮



大唐開元禮 全二十冊

唐蕭嵩撰

江蘇廣陵古籍刻印社出版
揚州古籍書店發行

定價二百七十元

大唐開元禮卷第一百四十四

凶禮

四品五品喪之三

卒哭祭 小祥祭 大祥祭 禫祭 祔廟

卒哭祭

前一日之夕掌事者改廬翦屏柱楣塗廬不塗見面

塗廬裏不塗廬面

翦蒲爲席不緣以木爲枕牢饌如虞祭

其日夙興祝入燭先升自阼階入於室祝整拂几筵以出掌事者設洗於西階西南北面東西當西霤南北以堂深壘水在洗西篚在洗東南肆篚實爵一巾

一加冪設瓦甒二於靈座之左北墉下醴酒在東

冪用

絺

加勺南枋其日夙興掌事者具饌於堂東祝與執

尊罍筐者先入立於尊罍筐之後內外衰服俱升主人及諸子倚杖於室戶外俱立於靈座東西面南上妻妾女子子立於靈座西東面南上內外各就位坐哭應拜者立掌饌者以饌升入設於靈座前相者引主人降自西階詣罍洗主人止哭盥手洗爵相者引主人升自西階入詣酒尊所主人酌醴相者引主人進跪奠於靈座前俛伏興少退西面立應拜者陪於後祝持版入立於靈座之南北面內外止哭祝跪讀祝文

曰維某年月日子哀子

今儀父亡稱孤子

某敢昭告於考某

官封諡

妣則郡縣鄉君各從其稱

日月不居奄及卒哭追慕永往

攀號無逮謹以潔牲柔毛剛鬣嘉薦普淖明齊溲酒

哀薦成事於考某官封諡尚饗主人以下哭再拜內

外應拜者皆再拜哭祝興進跪奠版於靈座前興還

尊所

祝讀版訖興跪進版與主人哭拜同時

相者引主人退復位哭盡

哀內外各還次祝闔戶與執尊壘者降出少頃祝與

執饌者入開戶徹饌祝闔戶以降自卒哭之後朝一

哭夕一哭疏食飲水周而小祥

小祥祭

前一日之夕毀廬爲聖室設蒲席周喪聖室者除之
設地席陳練冠於次主人及諸子俱沐浴櫛爪翦牢
饌及器如卒哭之禮 其日夙興祝入燭先升自阼

階入於室整拂几筵以出掌事者設罍洗篚於西階
西南如初篚實爵一巾一加幕設瓦甒二於靈座之
左北墉下醴酒在東

幕用絺

加勺南枋具饌於堂東

祝與執尊罍篚者先入立於尊罍篚之後內外衰服
主人倚杖於階東俱升就位

應拜者立

哭盡哀相者引降

主人杖就次主婦以下各就次主人及諸子除首經
著練冠妻妾女子子除腰經周服者皆除之丈夫素

服吉冠屨婦人素服言屨相者引主人及諸子倚杖
如初內外俱升就位哭掌饌者以饌升自東階入設
於靈座前設訖掌饌者降自西階以出相者引主人
降自西階詣壘洗主人止哭盥手洗爵相者引主人
升自西階入詣酒尊所酌醴進跪奠於靈座前俯伏
興少退西面立祝持版進立於靈座之右北面內外
皆止哭祝跪讀祝文曰維年月朔日子哀子父歿稱孤子
某敢昭告於考某官封諡妣則郡縣鄉君各從其稱歲月遄迫奄
及小祥攀慕永遠重增屠裂謹以潔牲柔毛剛鬣嘉
薦普淖明齊溲酒祇薦祥事於考某官封諡尚饗主

人哭再拜內外應拜者皆再拜哭祝興進跪奠版於

靈座興還尊所

主人哭拜與祝興奠版同時

相者引主人就位哭

盡哀內外各還次

主人杖如式

祝闔戶與執尊罍者降出

少頃祝興進饌者入開戶徹饌闔戶以降自小祥之

後止朝夕之哭哭無時

哀至則哭

始食菜果飯素食飲水

漿無鹽酪不能食鹽酪可又周而大祥

大祥祭

前一日之夕除堊室張帷又備內外受服

謂大祥之服

各

於其次主人及諸子俱沐浴櫛爪翦牢饌及器如小

祥之禮

其日夙興內外各服其衰服竝於次哭盡

哀應除服者著除服訖又哭盡哀止昧爽前祝入燭
先升自阼階入於室祝整拂几筵以出掌事者設罍
洗篚於西階西南如初篚實爵一巾一加帛設瓦甒
二於靈座之左北墉下醴酒在東帛用絺加勺南枋具

饌於堂東祝與執尊罍者先入立於尊罍之後內外
俱升就位哭掌饌者以饌升自東階入設於座前置
設訖掌饌者降自西階以出相者引主人降自西階
詣罍洗主人止哭盥手洗爵相者引主人升自西階
詣酒尊所酌醴進跪奠於靈座前俯伏興少退西面
立祝持版進立於靈座之右北面內外皆止哭祝跪

讀祝文曰維年月朔日子哀子

父喪稱孤子

某敢昭告於

考某官封諡

妣則郡縣鄉君各從其稱

日月逾邁奄及大祥攀慕

永遠無任荒踣謹以潔牲柔毛剛鬣嘉薦普淖明齊
洩酒祇薦祥事於考某官封諡尚饗主人哭再拜應
拜者皆再拜哭祝興進跪奠版於靈座興還尊所相
者引主人就位哭盡哀主人以下各還外寢妻妾女
子子以下還於寢祝闔戶與執尊罍者降出少頃掌
饌者入開戶徹饌掌事者除靈座祝闔戶以降閒月
而禫自大祥之後外無哭者食有醢醬

禫祭

前一日掌事者預備內外禪服各陳於別所主人及諸子俱沐浴櫛爪翦仍宿於外寢牢饌及器如大祥之禮 其日夙興祝入燭先升設几席於奠掌事者

設罍洗篚於東階東南如常篚實爵一巾一加罍設

瓦甌二於座之左北墉下醴酒在東

罍用絺

加勺南枋

具饌於堂東祝與執尊罍篚者先入立於尊罍篚之

後主人及諸子妻妾女子子仍祥服

爲長子三年者亦禪服

內

外俱升就位哭盡哀降釋祥服應禪服者著禪服相者引主人以下俱升就位哭掌饌者以饌入升設於座前訖執饌者出相者引主人降自東階詣罍洗盥

手洗爵相者引主人升自東階詣酒尊所酌醴進跪
奠於座前俯伏興少退西面立祝持版進立於座之
右北面內外皆止哭祝跪讀祝文曰維年月朔日子
孤子某敢昭告於考某官封諡此則郡縣鄉
君各從其稱禪制有
期追慕無及謹以潔牲柔毛剛鬣嘉薦普淖明齊溲
酒祇薦禪事於考某官封諡尚饗主人哭再拜應拜
者皆再拜內外皆哭祝興進跪奠版於座還尊所相
者引主人以下出降自東階還寢內相者引妻妾女
子以下降自西階側還於寢祝闔戶與執尊罍者
降出少頃掌饌者入開戶徹饌以出祝收几筵以出

祔廟如別儀自禫之後內無哭者始飲醴酒食乾肉

祔廟

將祔筮日如常儀 前三日主人及亞獻終獻及諸

執事者俱散齋二日致齋一日前一日掌事者清埽

廟之內外其廟應遞遷者竝設座主人以酒脯醢告

遷訖遂移牀幄又奠酒脯醢以安神少頃掌饌者徹

饌以出掌廟者設考之祔座於曾祖室內東壁下西

向右几

妣則祔於曾祖姑設座亦如之言曾祖及曾祖姑者皆據孝子之言於亡者祖及祖姑也

祔於曾祖則曾祖妣配有事於尊可以及卑者也

設主人位於東階東南西

向設子孫位於南門內道東北面西上設亞獻終獻

位於主人東南設掌事者以下位於終獻東南俱西

面北上

亞獻終獻以國官僚佐若無親賓充之

設贊唱者位於主人西

南西面設酒尊於堂上室戶之東南北面西上設洗

於阼階東南北面東西當東雷南北以堂深疊水在

洗東篚在洗西南肆篚實爵三巾二加冪

其爵數每廟三祔

日內外夙興掌饌者預具少牢之饌二座各俎三簋

二簠二銅二酒尊二其尊皆一實玄酒爲上一實清

酒次之

上尊加玄酒者重古

六邊六豆主人及行事者各服祭

服執尊疊篚者入就位主人以下皆入就位

諸婦人停於門

外周以行帷俟祭訖而還

立定贊唱者曰再拜在位者皆再拜掌

饌者引饌入升自東階入於室各設於神座前施設
訖掌饌者以下降出相者引主人詣罍洗盥手洗爵
升自東階詣酒尊所執尊者舉冪主人酌酒相者引
主人入室進北面跪奠爵於曾祖神座前俯伏興相
者引主人出詣酒尊所取爵酌酒入室進東面跪奠
於祖神座前俯伏興出戶北面立考亦如之羣祖祝
持版進於室戶外之右東面跪讀祝文曰維某年月
朔日子孝曾孫某官封某敢昭告於曾祖某官封諡
若無官封者但云曾祖之靈若祖某官封諡若
母但云曾祖妣某氏不告曾祖母若
祖妣母某氏以下無官考某官封諡若
封者但云考妣之靈耳考某官封諡若
氏如父在不可

遞遷祖妣先宜於廟東北堂別立一室藏其主與考同祔某罪積不滅歲及免喪

練主入祔宗廟上遷昭穆繼序先王制禮不敢不至

是用適於皇考封諡以遷王考封諡齊祔孫某封諡

無官封者但云以適遷於祖齊祔某孫若母同祔則云適遷於祖姑夫人某氏以齊祔孫婦夫人某氏各

從其稱無官封者但云以適遷於祖姑某氏以齊祔孫婦某氏謹以潔牲剛鬣嘉薦

普淖明齊溲酒祇薦於曾祖某官封諡曾祖妣某氏

配祖某官封諡祖妣某氏配考某官封諡若祔母則云曾祖妣

某氏祖妣某氏尚饗訖興主人再拜祝進入奠版於曾祖神

座興還尊所相者引主人入室立於西壁下東面再

拜相者引主人出降還本位主人初獻將畢相者引